

Edizione diplomatica



https://letteraturaeuropea.let.uniroma1.it/?q=sites/default/files/styles/330x330/public/C%20%282%29_22.jpeg&itok=6fKbaiT9

B. de

PUs mi preiatz ue(n)tedor(n)
senhor quieu chant ieu
chantarai. e quan cug
chantar plor. quora
quieu men assai. greu ueiretz
chantador. ben chan pus mal
li uai. ua mi ben donc damor
mout miels quanc no fetz mai.
e doncs per que mesmai.

Gran ben e gran honor. conosc
que dieus me fai. quieu am la
belazor. (et) elha me so sai. mas
ieu sui sai alhor. e no sai cum
sestai. so mauci de dolor. quar
ochaizon non ai. de souen a
nar lai.

Image not found

https://letteraturaeuropaea.let.uniroma1.it/?q=sites/default/files/styles/330_px/public/C%20%283%29_19.jpeg&itok=Cy5N0d8h

Mas pero tan mi plai. quan
de lieys me soue. cui que cride
ni brai. eu non aug nulha re.
tan dousamen matrai. la bellal
cor a se. que tals ditz q(ui)eu sui sai.
e so cui e so cre. ges de sos huelh(s)
nom ue.

Amors e que farai.
guerrai ieu ia ab te. tamal ai
don morrai. del dezirier quem
ue. sil belha lai on iai. nom a-
cuelh pres de se. q(ui)eu lembratz
e la bay. el estrenha uas me. so(n)
belh cors gras e le.

Ges damor nom recre. p(er) mal
ni per afan. e quan dieus mi fai
be. non refus ni soan. e quant
alre maua. ben sai suffrir lafan.
qua lo saui coue. ques ane alu
nhan. per miels falhir enan.

Bona dona merce del uostre fin a
man. q(ui)eus am per bona fe. qua(n)c
res non amei tan. mas iuntas
ab cap cli. uos mautrei em coma(n).
e sen loc sesdue fassat me bel se(m)-
blan. que mout nai gran talan.

Mon escudier e me. auem cor e
talan. quamdui anem truan.

Et ilh amen ab se. so que plus
li atan. (et) ieu mon aziman.

- letto 467 volte